

續

丁

記

政

錄

續丁記政錄

正月初七日

戶兵工三部接出

聖諭蓋聞裕國計者度支之出納宜明清軍需者司  
庾之核綜貴審苟不酌盈以佐絀徒任此侵牟  
將儲庫之立空何軍國之足倚朕承

祖宗鴻業七載于茲銳意安攘留心搏節期爾有位  
共懷體國之籌各効涓埃之報乃披覽各官奏  
報太倉銀庫節慎庫及京通等倉漕運之疏開  
列有虛名節蓄了無實事陰懷潤橐顯用扶

同奉差而垂涎視錢穀為奇貨如前歲盜賣官糧  
李柱明之罪案昭然近日賄行東餉則丘志充  
之賍証暴著縱内核外舉一例餘鼠竊狼藉未  
能盡免况太倉等庫銀兩錙銖疇非國課乃未  
納而任入傍蹊將出而寄頓外庫如天啓六年  
七月內河南解到折色銀兩被歇家人等假造  
實收通關毫不入庫又如管庫主事何其入萬  
時俊將老庫銀不行交盤私相埋沒及事發叅  
慶至京通等倉糧顆粒盡屬民膏彼不念辦納  
之苦跋涉之艱而貪官污吏串同漕運官軍武

桶加砂糝或暗放水爛又經管官員巧立飯米等項名色擅自盜賣實繁有徒如此者貪黷成風法紀凌蕩不一而足倘不亟亟加剔雖滄海豈能塞漏卮嚴刑豈能懲巨蠹乎特命司禮監秉筆太監兼掌御馬監印務總督勇士四衛營軍徐文輔總督太倉銀庫節慎庫原任司禮監太監崔文昇總督漕運疏通河道查核京通等倉原任司禮監太監李明道着提督漕運疏通河道查核京通等倉各前去會同該部科道及漕臣等官將天下地畝等項數銀兩及漕運歲判

言  
糧儲數目于出納之際本折若干存官若干各  
按冊籍細加查核必盡翻窠曰徹底澄清既各  
委京邊內臣亦必重其事權專其職任而後事  
以責其成功其合用勅諭關防所司各行擬給  
務使振刷夙弊丕變勛猷以復我

祖宗設立太倉銀庫京通漕運等倉之初意以昭朕  
連年樽節慎庫軍餉之至懷庶庾計無虞緩急  
有賴故諭

初八日

吏部一本缺官事奉

聖旨袁玉佩陞兵科右給事中杜齊芳久係門戶黨  
削籍為民追奪誥命

初十日

吏部一本缺官事奉

聖旨總督兩廣係彈壓該地方重官還簡擇人地相  
宜另推幾員來以憑點用閔夢得王璫著另行  
酌推

吏部又一本缺官事奉

聖旨孟紹虞見在講筵敷陳明剗方資啟沃不便南  
推蕭命官久係門戶著削了籍為民追奪誥命

員缺另推來看以憑點用

吏部又一本缺官事奉

聖旨秩宗重任宜慎擇人駱從宇著冠帶開住汪輝  
久係門戶削了籍為民追奪誥命員缺另推點  
用

刑部一本欽奉

明旨事奉

聖旨孫文男顧同寅捏造妖言誹謗朝政罪惡通天  
既審供明白即便會官處決懸首藁街以警不  
軌步天歌等著進呈李道原四名著五府著實

打一百枷號三個月滿日遣戍該衙門知道  
鎮撫司一本緝獲事奉

聖旨犯人丘志克王家棟等既經審問明確其贓銀  
九千一百三十兩着鎮撫司勒限嚴追以助大  
工完日俱送刑部依律擬罪厥臣魏忠賢念凜  
官方力持國法憤衣冠公行賄賂幕夜必發其  
遺金狐鼠恣意鑽營私門頓清其弊竇怨勞不  
避摘發多功不有殊褒孰彰奇績着廕弟侄一  
人與做錦衣衛指揮給與應得誥命還賞銀五  
十兩采段二表裡羊二隻酒三十瓶新鈔三千



貫仍賜勅獎勵以示眷倚其原辦官旗照例并叙該部知道

十一日

吏部一本缺官事奉

聖旨倫肇脩陞大理寺右少卿陳胤叢久係門戶着削了籍為民追奪誥命員缺另推來看

吏部又一本缺官事奉

聖旨汪康謠久係門戶邪黨着削了籍為民追奪誥命員缺另推來看

東廠一本敬捐蓋造事奉

聖旨兩省節原賜蓋造府第銀三萬五千二百八十  
兩有奇准如議著差官解到山海關轉發寧遠  
鎮撫衙門照數查收以備各葺城堡惟爾忠賢  
深謀殲虜銳志恢疆節已賜之餘貲綢繆紫塞  
處未完之多壘計善金湯信急公以忘家專竭  
忠而體國功愈弘茂朕心嘉悅著廕弟侄一人  
與做錦衣衛指揮使世襲給與應得誥命還賞  
銀八十兩采段六表裡羊四隻酒六十瓶新鈔  
六十貫仍賜勅獎勵以示優異該部知道

十三日

吏部一本缺官事奉

聖旨張崇禮陞南通政使

御史智鈺一本疆場之制事奉

聖旨這本條畫邊事言督撫和衷共濟之雅朕諭諄切厥臣運籌帷幄之中付託得人凡兵馬器械之需有畔必應說的是其更調經督二臣具見識畧著該部確議速覆

十九日

刑部一本不職司官貪饕等事奉

聖旨這犯人張汝陳惟焜郝頓着五府堂上官責

一百板依擬發遣該衙門知道

二十三日

刑部右侍郎陳九疇一本

聖恩罔極事奉

聖旨陳九疇才品素著簡任邦刑奉命已久如何不見到任着作速前來供職不允所請該部知道

二十四日

吏部一本缺官事奉

聖旨王繼魯陞大理寺左少卿

二十五日

吏部一本缺官事奉

聖旨王志道起陞通政司右通政王伉久依門戶著  
削了籍為民追奪誥命

又一本欽奉

明旨事奉

聖旨據奏廠臣丹心佐政肅法懲頑誅燕市之神奸  
剔私門之邪派伏愿不作朝政清明朕所鑒知  
其文震孟等除名追奪永不叙用知道了

陳仁錫 鄭鄞

又一本欽奉

聖旨事奉

聖旨李孫宸陞南禮部右侍郎曾楚卿張鶴之門生  
久係門戶着削籍為民追奪誥命

又一本缺官事奉

聖旨蔣一驄陞光祿寺少卿管寺丞事

都察院一本請差巡青事差御史劉重慶吳尚  
默奉

聖旨吳尚默去劉重慶係楊漣邪黨着冠帶閑住該  
部知道

二十六日

吏部一本欽奉

聖旨事奉

聖旨李逢節改兵部右侍郎兼都察院右僉都御史  
總督兩廣軍務兼理糧餉帶管益法巡撫廣東  
地方駕勅與他

二十八日

吏部一本缺官事奉

聖旨馬從龍起補尚寶司卿

又一本

急缺方面事調福建副使奉

聖旨蔣英父係門戶著削了籍為民追奪誥命員缺

聖旨另推來看

刑部一本欽奉

聖諭事奉

聖旨李若星着該撫按責一百板發遣回奏餘俱依

擬

大理寺右寺正許志吉一本除害安民事奉

聖旨吳養春引鹽產債散淮楊等處既知底裏即着

許志吉會同該撫按清查追解不得徇情該部

知道

二月初二日



吏部一本缺官事奉

聖旨李徵儀首荐夏嘉遇隨時依附殊無特操削了  
籍為民當差着吏部除名永不叙用仍追奪誥  
命員缺另推該部知道

福建巡按周昌晉一本計期伊邇事奉

聖旨盧化鰲比暱匪人營求要地鞠審既明除已經  
削奪擬徒追駐外還行吏部除名永不叙用該  
部知道

御史劉之待一本臣病日劇事奉

聖旨劉之待久依門戶着削了籍為民當差吏部除

名永不叙用還追奪誥命該部知道

初三日

吏部一本比例給縣事奉

聖旨李夔龍清有執銓務方殷何得求去著即出  
供職不允所請

御史梁夢環一本戚臣橫惡有擬事奉

三旨張國紀怙恃國恩累干三尺草菅人命魚肉細  
民擅收皇稅私納官婢過惡多端法難貸朕  
念中宮懿親國家大體姑著回原籍俾痛改舊  
愆保全終始毋再不悛自貽後悔該部知道

督師王之臣一本庸劣曠官憂深病劇事奉

聖旨卿深識遠慮綢繆叢關業有成績方深倚賴何  
得稱疾求去情詞懇切念久勤封疆特加太子  
太保准解任回部稍體勞勛用茲帷幄山海重  
地將吏士馬作何統轄勿致單薄吏兵二部作  
速妥議來說該部知道

遼東巡撫袁崇煥一本夷情事奉

聖旨覽奏夷使恭順求款之情似真然必彼確有所  
獻以自贖我確有所憑以相信自非然者誠偽  
未可必也還遵前旨從容講析務求妥當方為

題請本中說固為之備不墮局中之間具見成  
箕深慰朕懷該部知道

初五日

大學士黃立極一本日講事題祭酒馬之騏陞  
正詹事編修孔貞運陞左諭德俱充日講奉  
聖旨是吏部知道

南戶部侍郎林宰一本驚聞親老病劇事奉  
聖旨林宰猷望素隆留儲方借持籌乃陳情詞意懇  
切准加左侍郎回籍養親以慰孝思

初七日

大學士黃立極揭帖奉

聖旨關門事體重大督撫絃轍宜更卿等會議調停  
運籌碩畫覽奏厥臣矢蓋報國殫赤籌邊直寫  
出厥臣素心昭布卿等忠義同心允協朕意甚  
嘉焉擬諭安確已批發了該部知道

初九日

吏部一本作弊倖中事奉

聖旨莫大猷倖中情弊叅酌既明着即行革退房考  
劉軒儒濫取匪人先降二級其有無關節仍行  
該省撫按嚴提莫大猷一千人犯究問具奏

南兵部一本數陳愚見事奉

聖旨楊棟朝久係門戶削了籍為民追奪誥命營務  
著徐憲卿巡視該部知道

吏部一本缺官事陞尚寶司司丞許志吉奉

聖旨許志吉見查追吳養春贓銀候事完陞遷員缺  
另推來看

十一日

北鎮撫司一本門禁等事奉

聖旨這犯人杜忠等既審問明白連私書玉帶等件  
通送刑部依律擬罪杜元伸行緝事衙門嚴拏

獲日徑送刑部究擬謝啓光陳應元輕信匪人  
妄出書札着叅看具奏該部知道

都察院一本請差巡按等事奉

聖旨是着趙胤昌去陳以瑞久依門戶着削了籍為  
民追奪誥命該部知道

兵部主事孫元化闕住辭

朝

十四日

吏部一本缺官事奉

聖旨岳駿聲陞光祿寺卿管少卿事

又一本缺官事奉

聖旨潘濬陞南刑部尚書王之采着以原官致仕

又一本缺官事奉

聖旨王璠陞南戶部右侍郎兼南都察院右僉都御史總督南京糧儲寫勅與他胡東漸着以原官致仕

十六日

漕運太監崔文昇一本恭報漕糧事奉

聖旨爾至淮河即起漕糧北輓內稱厰臣節愛儲精不啻口出登剔奸弊洞如火觀其裕國苦心壽



言  
漕殫力朕實嘉賴河下漕糧嚴與儲道樞關諸  
臣作速接剥以寔京庾遣回空毋得延緩盤剥  
等費擅有輕費銀兩何欠至拾萬着行該撫按  
勒限追解以便給發其餘未盡事宜另行確議  
具奏該部知道

十七日

吏部六本欽奉

聖旨事奉

聖旨謝奇舉久係門戶着削了籍為民追奪誥命該  
部知道

聖旨張其實久係門戶着削了籍為民追奪誥命該部知道

聖旨顧其仁久係門戶着削了籍為民追奪誥命該部知道

聖旨周邦基久係門戶着削了籍為民追奪誥命該部知道

聖旨吳姓久係門戶着削了籍為民追奪誥命該部知道

聖旨梁元柱久係門戶着削了籍為民追奪誥命該部知道

又一本欽奉

聖旨事河南缺參議推原任禮科王琨

兵部一本回奏事奉

聖旨胡士容在任盜賣倉穀賄取武生大壞官箴及  
陞任道經通州用過馬貳百貳拾餘匹其廩給  
多索亦必至甚且逼死馬夫門役幾斃一處如  
此他處可知着錦衣衛差的當官旗扭解來京  
究問該衙門知道

禮部一本乞恩襲封事奉

聖旨欽此潘北控邊郵南通秦圻冊封大典委宜速舉  
世子昂渭著襲封為代王郭氏封為王妃其  
祿米准照親王例支給以彰朕篤念親藩至意  
該部知道

順天巡撫劉詔一本舉劾道臣事奉

聖旨據奏耿如杞舉動乖張用刑太重點兵幾至鼓  
譟散糧任意扣除以速官謗至考試閩人才風  
教乃與幼童飲酒棄越更失憲體著削籍為民  
追奪誥命著錦衣衛扭解來京究問  
鎮撫司一本緝獲事奉

聖旨這追完各犯贓銀壹萬貳千壹百叁拾着監部  
科道查收犯人丘志充王家棟都着送刑部擬  
罪

二十日

吏部一本忠勤清苦事奉

聖旨蔡伏一忠勤清苦以身殉官准贈兵部尚書廕  
一子入監讀書還與他誥命

二十一日

吏部一本缺官事奉

聖旨是陳九疇陞刑部左侍郎作速前來到任李榮

桂陞刑部右侍郎

又一本缺官事奉

聖旨劉志選陞南都察院右僉都御史提督操江兼  
官巡江駕勅與他王一申又依門戶著削了籍  
為民追奪誥命

又一本缺官事奉

聖旨呂圖南陞通政司通使詹爾達又依門戶著剋  
帶閑住

二十二日

吏部一本缺官事奉

聖旨是年志變陞都察院右僉都御史提督鴈門等  
關兼巡撫山西等處勅與他

又一本缺官事奉

聖旨李茂芳久係門戶着冠帶閑住負缺另推來着  
又一本循陞京堂事奉

聖旨溫昂謨見料理藩府工程不便陞轉姚應嘉久  
係門戶削了籍為民追奪誥命負缺另推來用  
又一本缺官事奉

聖旨白儲紹負氣偏執着冠帶閑住張捷曾附黨人  
為李應昇私友着削了籍為民追奪誥命其員

缺另推來看

二十五日

吏部題南直蘇松學院田景新奉

聖旨田景新資當題差如何固辭意欲他差殊失憲  
體着冠帶閑住員缺另推來看

三月初四日

刑部一本門禁詰獲事奉

聖旨謝啟光身為大臣職司風憲乃不自愛其鼎為  
人清目輕發私書殊失大法小廉之義着冠帶  
閑住杜元仲陳應元俱着削了籍為民吏部除



名不忌緝擎行查杜忠陳治經俱依擬

又一本緝獲事奉

聖旨丘志充王家棟着監候處決周思梅李容宇張  
依仁吳進正俱着五府堂上官打一百棍發遣  
應枷號的仍行枷號

初七日

吏部一本缺官事奉

聖旨陸世科久係門戶着冠帶閑住員缺另推來看  
又一本缺官事奉

聖旨蘇繼歐係楊漣死黨着削了籍為民追奪誥命

員缺另推來看該部知道

禮部一本題雲貴正副考官等事奉

聖旨有黥的去其貴州中式名數還照舊額汪邦柱  
宋鳴梧係門戶且着冠帶閑住該部知道

初九日

吏部一本缺官事文選司缺郎中推郎中徐楠  
奉

聖旨徐楠久係門戶着削籍為民追奪誥命員缺另  
推

十三日

鎮撫司一本回奏事奉

聖旨胡士容既審明贖銀柒千玖百貳兩零着勒限  
嚴追以助大工完日具奏

十四日

薊遼總督閔鳴泰一本叩感

隆恩事奉

聖旨覽奏薊鎮西協各營路王大倉陳天佑等各路  
廠臣殫心疆場畢慮綢繆輸資助糈士馬卓雄  
制器龍壯至于葺城固堡濟兵核餉題差  
內奉揚明威釐奸弊功斯偉矣說得是既經

採訪具請著于密雲名山一體建祠名曰崇功  
以慰軍士感恩其管工開採木料俱如議該部  
知道

十八日

吏部一本缺官事奉

聖旨龔世法久附黨人着削籍為民追奪誥命員缺  
另推

十九日

吏部一本遵 祖制酌時宜事奉

聖旨據覆河塞運稽關係國儲賴厥臣忠誠感格覆

河泊司輸輓飛流庾廩充實丹心直可貫日  
巨手擎天說的是朱國盛拮据漕務開濬著勞  
着加太常寺卿兼山東按察司使照舊管事寫  
勅與他就門知道

吏部一本缺官事奉

聖旨姚宗文陞都察院右僉都御史仍加服俸一級  
巡撫湖廣地方兼提督軍務寫勅與他彭鵬化  
係東林邪黨削籍為民追奪誥命

又一本缺官事奉

聖旨韓自績陞南禮部尚書

又一本缺官事蘇松缺提學奉

聖旨是着陳保泰去

又一本缺官事奉

聖旨毛一鷺陞補添設南兵部左侍郎潘汝禎右侍郎

又一本申明

覃恩事奉

聖旨是本內劉永祚久係門戶着削籍為民追奪誥命

又一本缺官事奉

聖旨是焦蕃陞都察院右副都御史巡撫寧夏地方  
贊理軍務駕勅與他

二十五日

三山主事何宗聖一本懇恩建立生祠事奉

聖旨皇極等殿石料最煩去年運道艱阻為計籌者  
厥臣魏忠賢精誠謀國妙算叅微委任得人山  
靈助順開採愜子來之願輓輸成不日之功石  
寓各役不累身家克



尸祝之舉允愜輿情

這夫任一清等感德既同著于房山縣長溝  
地方擇吉建祠名曰顯德以永祝虔以隆美報

二十七日

戶部員外李桂芳一本大工需臣甚急事奉

聖旨馬場銀兩係助工急需差官催解乃地方官竟  
怠玩厥職輕朝廷森嚴之旨負厯臣急公之念  
成何法紀賀仲軾胡敬辰都著降三級用仍行  
該府縣官作速照數起解限四月終至不許違  
悞該部知道

四月初一日

陝西巡撫張維樞一本要典功罪事奉

聖旨王之宋既拏至着錦衣衛拏送鎮撫司究問具



奏

初二日

應天巡撫李待問一本白役生事愚民鼓譟事  
奉

聖旨呂下問激變地方不稱任使然鼓衆辱官刁風  
亦何可長着該撫按勘明生事原繇量懲惡首  
回奏已有旨了黃山派賣業有頭緒着該部撫  
按地方官會同許志吉多方調劑均派務期國  
法民情交伸兩愜俱照前旨行

初四日

吏部一本缺官事奉

聖旨王之臣仍以太子太傅改兵部尚書

又一本缺官事奉

聖旨楊景辰

現

教習孟紹虞供侍經筵員缺另推來

看

又一本缺官事浙江巡撫推郭興治潘士良奉

聖旨浙江巡撫員缺另推來看

御史智鋌一本糾儀事奉

聖旨吳伯與歸班不辨東西才具可知着冠帶閑住

該部知道

原任御史王會圖一本瞻天竭矢忠勤事奉

聖旨王會圖素有風節着以原官回道管事該部知道

初七日

吏部一本缺官事奉

聖旨許鼎臣久係門戶着冠帶開住員缺另推來看  
初十日

都察院副都御史馮三元一本再懇天恩事奉  
聖旨馮三元猷望夙隆紀綱重任方切倚毗乃屢以  
病請情詞真懇着加銜致仕以成雅志該部知

道

松江府糧塘里老薛世昌等一本請立生祠事  
奉

聖旨據奏厥臣毗贊嘉猷肅清弊政懲貪官之敗類  
理庶事以咸康勞著功高朕所鑒悉這松江里  
老等議建生祠允愜輿情其祠名曰德馨該部  
知道

上林苑生負耆老李若琳等一本恩德甚隆事  
奉

聖旨這奏厥臣赤心籌國竭慮安民則蕃育一畧

聚築垣堡蠲役嚴巡緝種種惠政保障畿甸朕所鑒知闔署官兵人等卜壤建祠用昭美報如議行其祠名曰感恩該部知道

吏部一本便服水土事奉

聖旨夏惟慶既水土不服着冠帶閑住員缺另行銓補該部知道

薊遼總督閏鳴泰一本請立生祠事奉

聖旨昌通二州肘腋近地拱衛陵京通因軍賦煩興藩封繼出土庶軍民難于供應厥臣計安宗社念切民艱體朝廷節愛之仁恤災黎賦役之苦

邊關戢其搶攘閭閻絕其追呼戒暴綏良內  
外暨朕所鑒悉這本說的是兩州戴德既同  
崇報自亟准各擇地建祠彰盛美以慰群情昌  
平州祠名曰崇仁通州祠名曰彰德該部知道  
十三日

刑部員外晉承命一本遵

日回話事奉

聖旨盜糧首犯張六有旨重擬晉承命如何不遵因  
着回話乃始改擬違慢可知着降三級調外任  
用該部知道

十七日

工部郎中周鳳岐一本遵

旨回話事奉

聖旨柴炭銀兩已有旨不許那借徐大化巧立名色  
私意那借周鳳岐屯田司署印緣奉堂批葉憲  
祖擅發工料銀三千兩俱屬慢旨都著剋帶閑  
住委官潘堯年著錦衣衛差的當官旗扭解來  
京究問該衙門知道

丁亥政錄

鎮撫司一本病故犯人事奉

聖旨主之采病故着委官相視明白親人領埋其贖銀八千兩着行彼處撫按嚴提家屬追完具奏  
二十一日

南兵部尚書范濟世一本患病不能供職事奉  
聖旨卿忠猷亮節留計重任特茲簡畀乃請告情詞懇切准在籍調理病痊起用該部知道

太監馮玉一本良佐功高事奉

聖旨這奏厥臣洞悉民艱善剴國脉功高無佐戴共輿情這太和山軍民建祠以圖報德着如議行其祠名曰昭德該部知道



二十六日

吏部一本缺官事奉

聖旨張朴陞南戶部尚書倪思憲着冠帶閑住

又一本缺官事奉

聖旨許崇禮陞都察院左副都御史協理院事

又一本缺官事推李孫宸馬之騏奉

聖旨禮部右侍郎員缺另推

又一本缺官事推浙江巡撫楊維新馮時行奉

聖旨道浙撫員缺再推來看

起吏部驗封司員外李宜培奉

聖旨是

御史李

一本糾儀事奉

聖旨王總衡辭朝不到事屬不敵着削了籍為民該

部知道

二十七日

太監李明道一本凍糧告竣事奉

聖旨據奏歲運漕糧關係軍國命脉開兌到壩例有定期邇來積習違玩至凍糧至全漕之半成何法紀賴廠臣碩畫忠謨申飭成規痛除積弊該監等協力同心設法分督所運凍糧不日告完

又節省輕費銀兩清查虛收奸竇而掃積除充  
軍餉種種苦心具見體廠臣經國理財至意朕  
心嘉悅其荐舉各官應加銜留任的應優轉的  
即與議覆楊廷槐久倚門戶又玷官箴着削了  
籍為民追奪誥命該部知道

大學士黃立極一本印信事奉

聖旨姜曰廣胡尚英丁進邪黨渠魁俱削了籍為民  
追奪誥命林鈺莊際昌朱繼祚久依門戶俱着  
剝奪閑住該部知道

刑部一本道臣舉劾乖張事奉

聖旨耿如杞著監候處決

吏部一本缺官事奉

聖旨晏清久依門戶著削了籍為民追奪誥命員缺  
另推來看

國子監監生陸萬齡等一本懇

聖明等事奉

聖旨自東林聚徒簧鼓淆亂國是借蒙宮闈朕甚恨  
之賴厥臣主持正論挽回頽風一時門戶之奸  
如鏡照膽兩朝慈孝之徽如日中天功在世道  
甚非渺小至于安內攘外剔蠹除奸免稅蠲逋

扶良抑暴衿弁文徒得以帖席緩帶家絃戶誦  
皆殿臣恩波所被也太學諸生請于國學近處  
購買民房建祠釐祝具見秉彝之好特允所請  
鳩工舉行該部知道

五月初四日

通政司經歷孫如洌等一本殿臣勲業非常事  
奉

聖旨這奏殿臣切念擎天功高海日鼎建煥營  
美桐封襄磐石之宗力剪奴氛謀清黔醜以至  
軍民之始復財力之生節澄辦黨羽禁葺奸魁

種種懿美朕所鑒悉孫如洲等協同順天府謀  
建祠于宣武門既協輿情着准營建以彰殊勲  
其祠名曰茂勲

順天府府尹李春茂一本元功名實並隆事奉  
聖旨覽該府所彙奏在朝則督撫以至有司在籍則  
自鄉官以達士民地方則自輦轂以迄郡縣咸  
稱厥臣掀天經濟貫日精誠則在在在在在在在在  
本報則人人披  
豐功偉烈兼總六官愷澤暨  
被萬姓騰歡朕心嘉悅所請宣武門外擇地鳩  
工建祠釐祝表厥臣忠君報國愛民禮士之鴻

模彰朝廷親仁友善酬德報功之盛事特允所請以副輿情該部知道

延綏巡撫朱童蒙一本公舉謀建生祠事奉

聖旨這奏延綏為西陲劇塞京運久斷饑卒庾呼賴  
廠臣帷幄而慮切疆場綢繆而計周桑土亟發  
十萬欽鏹頓起三軍菜色功高請國大奮敵愾  
真可嘉尚其將領軍士等謀建祠于鎮城之南  
以彰崇報願効子來着如議行其祠名曰祝恩

初五日

太監李明道一本說謊欺

君事案何早奉

聖旨田空遲滯有悞漕政暫用民船給與腳價該監  
道厥臣裕國恤民之戒未嘗輕用民力有何擾  
害而人情軀軀何早抗違明旨傍據沽名著削  
了籍為民追奪誥命該部知道

初七日

吏部一本欽奉

聖旨事奉

聖旨覽奏厥臣費心密畫緝神奸于意外銷隱禍于  
機先功襄安攘朕所鑒知這奸逆姻親周汝昌



着削了籍為民行河南撫按押送西地方着撫按嚴加監固毋致疎虞仍具本回奏

又一本缺官事奉

聖旨王城陞南戶部添設右侍郎李嵩陞南京戶部右侍郎兼南京右僉都御史總督南京糧儲寫勅與他張崇禮年老着致仕該部知道

又一本缺官事奉

聖旨李燮龍陞都察院左僉都御史協理院事倫肇陞首修久倚門戶着削了籍為民追奪誥命該部知道

又一本缺官事奉

聖旨張九德新任秦士文俸淺不便陞轉員缺另推  
來看

又一本缺官事奉

聖旨張延登起都察院右副都御史巡撫浙江等處  
地方提督軍務駕勅與他錢策杜詩汪起鳳岐  
雜不正都着冠帶閑住該部知道

又一本缺官事奉

聖旨田吉見管職方兵務殷煩不便陞轉洪如鍾陞  
太僕寺卿管東路驗烙巡養少卿事

兵部侍郎霍維華一本兵事方殷事奉

聖旨援奏東江欠餉以事例補還通變得宜如議行  
鹽鑄錢 黔蜀 具見籌國善心着該撫按  
如議商確行所存諸臣吏部即與酌履內沈榮  
曾被叅論况居家與至親相忤居官豈能盡忠  
着削了籍為民追奪誥命該部知道

御史智鉅一本糾儀事奉

聖旨謝恩辭朝違悞不到事屬不敬王世爵着罰俸  
三個月方時行着冠帶閑住該部知道

初八日

太監劉應坤一本查盤等事奉

聖旨軍儲大計豈容染指升合魏萬國着該府道嚴  
行追比或行原籍勘產追償未獲陳于庭嚴行  
緝拏追完之日分別擬罪厥臣魏忠賢秘畫籌  
遑遠圖疆圉着廕弟侄一人做錦衣衛指揮使  
給與應得誥命賞銀六十兩彩段四表裡羊一  
隻酒三十瓶新鈔三千貫仍賜勅獎勵以示眷  
倚鎮守內臣劉應坤陶文紀用累力釐搜精心  
報國着各廕弟侄一人與做錦衣衛正千戶賞  
銀四十兩彩段二表裡分守內臣孫茂霖楊朝

武俊王蒞朝各廕弟侄一人與做錦衣衛百戶  
賞銀二十兩通判張珍刷蠹有勞着與紀用該  
部知道

十三日

吏部一本缺官事奉

聖旨沈景初久依門戶着削了籍為民追奪誥命員  
缺另推來看該部知道

又一本乞留陞任衡邊兵備事復張朴本奉

聖旨張宗衡着加銜留原任張大猷年力衰邁着冠  
帶開住昌平兵備員缺另推來看

又一本恭報空船盡數過淮事奉

聖旨覽奏回空停阻漕運稽延耗蠹日多國儲可虞  
賴厥臣純忠經國推誠任人封疆壯鎖鑰之威  
庾廩厚坻京之積且精心密計燭隱防奸功在社  
稷朕所素鑒監臣崔文昇劉應坤等克副委托  
拮据多方覺察無遺俱可嘉尚朱國盛久彰勞  
勩着加陞都察院右副都御史仍管漕儲道事  
務事竣遇缺推補周霖雨加陞鎮江府同知仍  
管通判事

十六日

吏部一本 熙朝彰瘡既明事奉

聖旨王允成依傍東林險貪有據該撫按提問追贓  
張我續援黔存蜀功不可泯錢糧既明俟相應  
員缺起用

十七日

吏部一本缺官事奉

聖旨毛堪陞南京光祿寺卿

又一本急催正官到任事奉

聖旨新城縣畿輔緊要地方新任知縣楊驥徵着速  
催到任王象復既貪黷著聞着削職為民追奪

詔命該部知道

十八日

吏部一本缺官事奉

聖旨張樸陞兵部尚書兼都察院右副都御史總督  
宣大山西等處地方軍務兼理糧餉駕勅與他  
三點著冠帶閑住

原任浙江叅議劉有源一本徵臣赴

召事奉

聖旨劉有源既患病著冠帶閑住該部知道

吏部一本缺官事奉



聖旨田生芝陞南京通政司通政曾陳易著冠帶閑住

又一本缺官事奉

聖旨孫國禎陞都察院右副都御史巡撫登萊等處地方備兵海防釐理征東軍務兼理糧餉駕勅與他

又一本懇恩照例移文事奉

聖旨江世用父傍門戶著削了籍為民追奪誥命員缺另推來看

十九日

吏部

陞太常寺卿丁啓濬

加陞光祿寺少卿仍管都水司郎中事徐四岳

二十二日

吏部一本缺官事奉

聖旨魏撫民陞尚寶司卿

又一本缺官事奉

聖旨潘士良陞南光祿寺卿管少卿事

又一本缺官事奉

聖旨王大智陞南太常寺少卿管南太僕寺少卿事

二十四日

吏部一本缺官事奉

聖旨郭增光練兵方急不便陞轉曹爾禎陞戶部左侍郎張我續起戶部右侍郎

兵部一本奴氛孔亟事奉

聖旨關外主客多馬匹不敷著太僕寺再撥寄養馬三千匹即便差官解發前去應用毋得稽遲其戶工應銀已有旨了李瓚出多事且係趙南星左光斗袁化中魏大中邢黨著削了職為民追奪誥命該部知道

禮部一本議覆科場事

浙江正考檢討陳盟吏科張惟一

湖廣正考檢討李明睿李魯生

江西正考編修倪元璐禮科薛國光

陝西正考吏部主事姚昌錄兵部主事胡福弘  
俱奉

聖旨這各省正副考官俱着點了的去內葉有聲久  
係門戶着削了籍為民追奪誥命銓務方殷即  
中周良才不便差遣該部知道

河南巡撫郭增光一本啟臣隆德事奉

聖旨奏稱厥臣向日葵心格天蓋志諸所福國護民  
未易殫述中州涉蝗相仍饑饉莫繼自委內監  
拮据調劑群情爭輸運艘途舞軫恤勞深祝釐  
感切所請建祠着如議行以伸輿情之公其祠  
名曰戴德該部知道

吏部一本缺官事奉

聖旨沈自彰起太常寺少卿管光祿寺寺丞事

六月初八日

吏部除補福建副使管屯鹽水利杜喬林

浙江缺司官推行人邢大忠水佳胤 正有點

吏部一本藩封禮成懇乞

題敘事奉

聖旨奏藩封禮成賴厥臣拮据搏節克襄大典說的  
是該部職司典禮一時勤勞官貧宜優叙李康  
先父係門戶着冠帶開住孫際可等八員俱加  
服俸一級

工部尚書崔呈秀一本仰懇

天恩事奉

聖旨覽奏卿有母憂朕心惻然溽暑還宜少節哀慟  
大工緊急着奪情料理候工完日守制

十四日

刑部一本朝政等事奉

聖旨擬奏毛士龍邪黨害正姪私狼籍已經摘戍及奉旨提問原籍戍所並無着落成何法紀着行應天山西各撫按逐程挨查并力緝捕務在必獲嚴限解部勿得延緩

十九日

薊遼總督閔鳴泰一本請建生祠事奉

聖旨覽奏殿臣猷炳匡襄功高安壤旣已家祝戶誦即畿南一鎮軫卹輓■庭眷賴蘇恤戍旅飽騰

立奮商賈輻輳于津梁子矜示法于絃誦以致  
奸宄肅清金湯屹峙慈航利涉桑土其種  
種美善朕已鑒知合請建祠以彰殊報如議行  
其祠名曰旌功兼子守祠員以垂祝釐永久該  
部知道

吏部上本

陞大理寺右少卿姚士慎 章光岳 正有點  
又一本湖廣缺司官推博士汪始亨 李師沆  
奉

聖旨有點的用汪始亨久係門戶看冠帶閑住



七月初一日

大學士黃立極等一本科舉事題南京主考奉  
聖旨着陳具慶張士範去仍各陞翰林院侍講賀逢  
聖係東林黨人着削了籍為民追奪誥命該部  
知道

遼東巡撫袁崇煥一本積勞病極事奉

聖旨袁崇煥拮据封疆勞績可念疏稱抱病情詞懇  
切准與回籍調理叙功之日另行優錄寧城防  
聖旨奴再逞料理湏人員缺即着另推來用該部知  
道

原任應天巡撫毛一鷺一本積勞成病事奉

聖旨毛一鷺才品素優倚任留樞情詞懇切准在籍調理該部知道

初四日

吏部一本欽奉

聖諭事奉

聖旨王之臣仍以太子太傅兵部尚書兼都察院右都御史駐劄寧遠督軍榆關兼巡撫遼東山海等處地方提督軍務寫勅與他邊事孔亟着依限前去到任

禮部一本議覆科場事河南主考吏部員外王應泰副禮部員外劉伸山東主考中書張養副中書陸一騏山西主考少卿蔣一聰副戶部主事陳賓盛奉

聖旨這三省考官着點了的去內張養即充山東主考劉先春虞廷陞馬任遠俱係門戶着削了籍為民追奪誥命該部知道正副俱有點吏部一本缺官事奉

聖旨田吉仍以太僕寺卿管太常寺少卿事徐楊先係門戶着削了籍為民追奪誥命該部知道

十七日

北鎮撫司許顯純一本緝獲事奉

聖旨這犯人顧汝翼通同孫如洌依奸犯科贓私畢  
露既經究問明白孫如洌着削了籍為民追奪  
誥命拏送鎮撫司同顧汝翼一併追贓三千五  
百兩立限追助大工完日送刑部依律擬罪姜  
玉菓友比匪人着削了籍為民追奪誥命嚴臣  
振刷紀綱有法必伸大破群兇之膽勞績風  
尤具瞻着于原廕弟侄一人加陞二級賞銀  
五十兩新鈔三千貫仍賜勅獎勵原辦官旗照

例優叙該部知道

吏部一本元臣殫心事奉

聖旨魏忠賢報國心丹吞胡志壯正我戎備立三捷  
之奇功雪耻除克洗十年之積恨績奏安攘盟  
列山河寧晉彛典昭然世爵褒封允當着弟侄  
一人特封為安平伯世襲歲加祿米一千一百  
石錫之誥券與國同休仍賞銀一百兩彩段八  
表裡羊四隻酒六十瓶新鈔五千貫賜勅獎勵  
以光賁大典風勵忠良該部知道

十九日

吏部一本缺官事吏部缺侍郎推溫體仁奉

聖旨員缺另推來看

刑部一本要典功罪等事奉

聖旨孫慎行着發寧夏邊衛充軍

吏部一本缺官事奉

聖旨陳爾翼陞吏科右給事中

又一本作養人才事奉

聖旨楊汝成閃仲儼馬之驥俱係門戶着削了籍為

民餘俱擬授

又一本奉

聖旨李覺斯授禮科給事中劉垂寶係門戶着削籍  
為民該部知道

內市于八月初四日仍改玄武門外

吏部一本糾叅不職事奉

聖旨擬奏凍糧關軍國重務所當  
勢以勒措其于徐儀世不得辭其責當重處念  
係遠任着閑住以警官戶用肅漕政

二十四日

吏部一本缺官事奉

聖旨張雲鶚係熊廷弼親着削了籍為民追奪誥命

直隸巡按許其孝一本創建生祠事奉

聖旨這奏稱厥臣赤誠丹悃繕建籌邊軫窮鋤暴攄  
國事事抒忠而淮青醴政一區思振九  
額補正課風清蠹絕衙胥無伏鼠之奸海煮商  
蘇樂郊有安鳴之慶功在邊儲感極塵市且各  
商請建祠于淮楊孔道以祝釐崇報具見秉彛  
公情如議行其祠名與做瞻思該部知道

八月初二日

原任戶科郭輦一本仰助 大工事奉

聖旨郭輦自戶科給事歷陞卿貳即應感恩圖報如



何久不至任且前疏條陳未當看剋帶閑住其  
助工銀不必收該部知道

原任直隸楊州道舉政郭士望一本直陳平生  
等事奉

聖旨郭士望為東林陷害今公論既明看與起用該  
部知道

大學士黃立極一本科舉事 題順天府主考  
正編修孔貞運檢討徐時太副考檢討雷曜龍  
孫之獬奉

聖旨是點了的去徐時太孫之獬有點看去

御史倪文煥一本 聖世太平等事奉

聖旨這本說做臣赤心報主幹國如家飭紀振法精  
勤周到說的是至于忠愛朕躬委曲調護朕所  
鑒知慎舉措嚴造防是今日急着科道不妨間  
舉所知以候採擇但不得濫舉市恩阮大鍼夙  
有才操為邪黨所抑着擢用莊祖誥亦與查議  
具覆該部知道

初七日

檢討楊世芳一本奉差事竣事奉

聖旨楊世芳係門戶着冠帶閑住該部知道

吏部一本恭啓

三殿不日之成事奉

聖旨覽奏厥臣畢力經營矢心翌贊翌煥成一代之  
中興肯構指堂開萬年之有道具瞻預肅曠典  
聿新著于弟侄一人特封為東平侯世襲其府  
第祿米誥券磨田等項即行各該衙門照例優  
給具奏以備朕酬元功至意該部知道

初八日

江西巡撫楊邦憲一本境內大臣病故事巡撫  
謝應祥病故事奉

聖旨該部知道

初十日

吏部一本敬剖心跡事奉

聖旨鄭榮向在刑曹以褫熊廷弼諸奸之罪中顧大章含沙之毒門戶熾時橫見擠排今公論既明宜與昭雪准以原官起用該部知道

十三日

吏部一本欽奉

聖旨事奉

聖旨崔呈秀著以少傅兼太子太傅改兵部尚書仍

兼御史其省直未完助工銀兩及報完用過數目并着推查銷算

吏部一本 三殿不日之成事奉

聖旨覽奏鼎建維新堂構丕奠皆厥臣畢力經營矢心翼贊所至功興開垣益茂報宜場土從優說得是所封東安侯應給養贍庄田壹千頃着咨都察院轉行屯田御史于北直各府備查屯牧草場等項亦擇附近膏腴善地給發以副朕眷優无勲至意

兵部一本欽奉

聖諭事奉

聖旨奉聖夫人事朕襁褓幼弱之時勞深調護及受  
顧托益勤兢業倍加節宣迨朕冲齡嗣昭倚毗  
周旋更著勞績前後二十三年始終一心忠慎  
不替兼以捐俸急公不一而足德茂淵懿真可  
嘉尚茲殿工捷音兩次叙賚宜隆報元功着加  
恩三等賞銀一百兩彩段六表裡羊四隻酒三  
十瓶并新鈔五千貫賜勅獎勵各廕弟男一人  
與做錦衣衛指揮使世襲給與誥命昭朕篤念

酬答至意

十八日

英國公張惟賢一本恭候 萬安事奉

聖旨清心靜攝願養天和是珍調良法卿等候安具  
見忠愛至意知道了該部知道

二十日

吏部一本恭報三殿不日告成事奉

聖旨是覽奏厥臣善成繼述經營堂構夙夜匪懈鼓  
應之聲庶民之子來精誠嘿致天心之效順功昭曠  
典慶會推奴勲業既隆圭臬宜錫魏良棟准封

東安侯世襲加太子太保應得誥命一併覆

題其遺下錦衣衛都指揮使世襲廕另行題補該部

知道

吏部一本欽奉

聖旨事奉

聖旨單明詔仍以都察院右都御史兼兵部左侍郎

整飭薊州等邊兼巡撫順天等處駕勅與他

兵部尚書霍維華一本

聖躬萬安同慶事奉

聖旨覽奏有疾准回籍調理



二十二日

保定巡撫張鳳翼一本大臣病故事奉

聖旨魏廣微自登仕版清白獨嚴比握閣政忠敏自  
樹當物情隨波之日有中立砥柱之功聞其物  
故朕心愴然應得祭塋謚廕着照例擬優具  
奏覆

二十三日

禮部接出

聖后懿旨 大行

皇帝奈素秉虛弱兼東事焦勞得患時疾醫藥罔愈

于天啓七年八月二十二日申時崩逝合行喪  
儀事理着禮部即便會翰林計議從厚具覆來  
看

二十八日

禮部一本慶

賀事登

賀位詔告天下諸司各宜進

崇禎元年正月初一日

兵科李魯生一本 聖主以天和事奉

聖旨朕厲精圖治奉天無私大小臣工亦宜靖共爾位共策大道說得是被黜諸臣務酌校本末以起用追贍一事拖累堪憐這熊廷弼妻楊漣母都着寬釋贍銀免追其梅之煥程註贍銀該撫按即與豁免具奏

初八日

編脩倪元璐一本世界已清事奉

聖旨朕屢旨起廢務秉虛公酌量議用有何方隅未

化正氣未伸這奏不當各處書院不許倡言創  
後以滋紛擾王守履混亂朝儀業行薄罰豈容  
薦舉市恩該部知道

御史林棟隆一本 聖明求治事奉

聖旨萬幾雖煩朕當思執要之法這所奏保躬知道  
了票擬關係國事閣臣實力擔當說得是至伸  
輿論惜爵賞覈功能審機權俱救時確論考選  
屆期作何截俸吏部議定來說餘俱着該部酌  
覆

初十日

兵部一本

復劉儒起補南鎮撫司掌印徐本高起補南鎮撫司僉書管事

又一本廢黜微臣事

復張道濬以南鎮撫司起補

又一本特舉賢能司官事奉

聖旨覽卿所舉我方司官皆清執忤權為公論所推不宜久滯林泉余大成鹿善繼優以京堂王繼曾沈榮准補原官都與起用該部知道

工科祖重燁一本 聖治日隆事奉

聖旨召問大臣商確機務此先朝任賢圖治之法知道了周宗建擊邪黨慘死着與優恤李實織造錢糧該撫按徹底清查具奏其自建生祠一并拆毀變價助餉黃山一案係該撫按查明定奪餘着該部酌議

十二日

吏科張惟一一本奏運弘開事

聖旨這本說輔臣勉竭忠猷力持國是以付倚畀之意說的是海寇流竄消弭宜急着閩浙兩撫嚴加申飭行周名世等兵部查明具奏許志吉許

其進速與罷黜聶慎行著議來說奏內大慈倚  
昇消弭字誤都改正行諛部知道

十三日

禮科仇維禎一本漏網之和黨事奉

聖旨通內奸人臣之大戒朕痛懲此輩不啻三令  
五申這本說周良材徐四岳著諛部分別來說  
梁夢環已有旨了本中字遺失着改正行

應天巡撫李待問一本目擊黃山愁苦事奉

聖旨據奏許志吉以察處穢吏投身奸逆籍沒追贓  
變價之事魚肉鄉邑深可痛恨罷黜不足盡其

辜著談巡按一并提問追贓正罪談部知道

十六日

南戶科陳先言一本仰承 聖明事奉

聖旨這奏言君臣泰交此是治平要論廢籍諸臣還著次第起補冠帶誥命准與先後降夷一節使習夷將領分揀隔遠說得是近來買貢名玷仕籍宜加澄汰談與議覆奏

十九日

禮科吳弘業一本太運弘開事奉

聖旨這科額數已有旨了應用房考照高曆已未行



起廢一節不宜久稽所薦許譽卿陳良訓等計  
部酌議起用其吳煥并與查履舉人試卷必經  
磨勘方許會試前提調官有怠玩的指名查叅  
奸逆生祠地方速與折毀禮部員缺着即會推  
以憑簡用談部知道

廿二日

工部尚書朱國盛一本 聖主殊恩未報事奉  
聖旨朱國盛河漕藩封勞勩所奏自明加銜准辭二  
級着以太常寺卿暫回籍調理以候病痊議用  
談部知道

兵科張鼎延一本川功奉有明旨事奉

聖旨覽奏蜀功雖經部叙遺漏尚多數內諸臣不妨  
再與確酌議補張論以按蜀任監督先後功次  
自明況為權奸屢抑着與優議具覆其餘應卹  
應擢的看議來說該部知道

廿四日

吏部一本仰承明旨事奉

聖旨稽輔臣劉一燝韓爌馮銓佐政先朝忠猷夙著  
忤奸削逐朕為惻然着各復原官以禮致仕劉  
一燝誥命准與補給以彰朕優禮輔弼之意

廿五日

魯府長史劉顯一本滿天枉禍事奉

聖旨劉鐸寃死可憫准收殮其優卹著該部酌覆

原任兵部侍郎岳元聲一本孤臣被黜無端事奉

聖旨岳元聲同陳道亨糾叅權黨以致借端削奪著

該部准復原官誥命另給議用

原任工部員外吳昌期一本藩工有據事

聖旨吳昌期止以侵忤權被黜著該部與漫官另議

用

兵部尚書邵輔忠一本臣病危篤事奉

聖旨卿昔著忠直佐樞襄藩復多勞勩方切倚用何  
乃引疾求去情詞懇切准回籍調理以候病痊  
用該部知道

刑部一本遵旨會議事奉

聖旨覽奏逆惡忠賢掃除廝役凭藉寵靈睥睨官闈  
荼毒善良非開國而妄分茅土逼至尊而自命  
尚公盜帑弄兵陰謀不軌串同逆婦客氏傳遞  
聲息把持內外崔呈秀委身奸闕無君無親明  
懷威福之權大開縉紳之禍無將之誅國有常  
刑既會議明確着行原籍撫按魏忠賢于河間

府戮屍凌遲崔星秀于薊州斬首其客氏身居  
亦着斬首示衆仍將爰書刊布中外曉諭以爲  
奸惡亂政之戒魏忠德等俱依前旨發煙瘴地  
面永遠充軍誥命即行追奪其魏良棟魏鵬翌  
崔鏗崔鎰既係孩稚無知准釋放以彰朝廷法  
外之仁

湖廣巡 溫臯謨一本追繳誥命事奉

聖旨賀逢聖學行端醇削奪原非其辜既經起用這  
誥命自應追給邇來楚才摧折過多朕深憫念  
這所奏謝奇舉等各誥命俱着部院議來看

廿六日

刑部一本遵旨會議事奉

聖旨奸逆盜權陰謀叵測九厥黨與所當嚴懲這五  
虎五彪既會議的確李愛龍吳淳夫倪文煥田  
吉行原籍撫按照數追贖解助邊餉完日發附  
近衛所充軍田爾耕許顯純都着行原籍撫按  
發邊衛充軍誥命通行追奪以為附權蠹政之  
戒

三十日

大理寺一本緝獲事奉

聖旨孫如列着監候處決頑汝翼依擬

山西巡撫牟志夔一本昌民之運事奉

聖旨朕敷新政以宣聲剔蠹為第一象金世俊周汝  
昌着該部即與昭雪冒濫名器如邵士垣輩并  
查核來歷行汰黜至清武弁迭邊 着兵部看  
議具奏李實已經處分該部知道

浙江巡鹽御史王際遠一本 聖主大振事奉

聖旨兩浙鹽課歲額豈得借端冒破着該撫按嚴加  
查核仍歸原派梁棟撤回已有旨了奏內薦諸  
臣徐兆魁許弘綱唐世濟酌議起用該部知道

二月初一日

吏部一本缺官事奉

聖旨鹿善繼起尚寶司卿管司丞事

又一本缺官事奉

聖旨詹士龍起南京光祿寺卿管少卿事

初二日

雲南道楊維垣一本微臣絕無城府事奉

聖旨朕見往年起廢不免冒濫故以無遺無濫為今日用人權衡這本說宣懃集思之中尤特慎重說得是其見訪法以削奪者復其官誥遣戍者



悉事輝還以彰浩蕩之仁至應起用的俱着按  
實明註 勿以用否一字含糊塞責務要  
從國家起見不得存一私才能可致方隅可蠲  
楊維垣首叅奸惡委曲苦心朕俱鑒知倪元璐  
已有旨了

浙江道張鏞一本巨憨雖已伏誅事奉

聖旨這本說往日媚瑞事義正詞嚴可稱說論劉志  
選業經處分楊夢袁李養德朱童蒙李實俱已  
有旨了周起元觸瑞招禍着與優卹劉弘光受  
誣之賍并行查豁該部知道

初三日

大學士施鳳來一本印信事

題劉鍾英陞補洗馬錢象坤汪輝李康先徐光  
啟唐大章起原官協理唐事莊際昌等陞諭德  
丁進陞方贊善奉

聖旨是

御史宋景雲一本 聖主立賢無方事奉

聖旨被廢諸臣屢有分別斟酌之旨奏內薦舉各官  
俱著核酌議用張惟一資俸併確查具覆

御史范良彥一本欽奉 聖諭事奉

聖旨這奸黨崔呈秀田預耕在京房屋若干既經估價共銀四千二百五十兩着該坊照數變價解進該部知道

刑科曹師稷一本 聖明求才甚廣事奉

聖旨這本說南直人材摧折委當昭雪錄用着銓部遵旨一秉虛公務期宣鬱平情俊義同陞諸宜平心靜聽勿起紛紜該部知道

戶科楊時化一本率土莫非王臣事奉

聖旨國家用人豈得以方隅起見這說廢籍諸臣校材品酌寬治先後分別登用無悞藩籬以是虛

平之論至諸臣既各脩職業母得玄黃尤為長  
慮者九卿科道如議行曹欽程喬應甲貪倭該  
部併看議來說

原任太常寺典簿蔣士麟一本皇仁晉天同廣事奉  
聖旨蔣士麟着該部查明與議覆

太常寺少卿阮大鍼一本會箕天啟七年以內  
諸奸事奉

聖旨神奸汪文言交王安攬事納賄廣報恩仇遂開  
禍始至奸惡忠賢承用其術益加毒慘這本會  
箕年來先後通內諸奸俱有實跡朕所悉知人

材權折已極中立不倚者更為難得今既振拔  
出滯消融方隅應起卹諸臣着都與分別已有  
旨了該部知道

南道夏敬承一本楚臣摧殘殆盡事奉

聖旨朕軫惜楚材已有屢旨所薦各官俱着分別議  
用該部知道

廣西布政司經歷程光裕一本權奸蠹國已深  
徹民寃慘事奉

聖旨許志吉等騙嚇多賍蠹壞鹽課着行地方各該  
撫按及監臣嚴覈具奏程夢庚賍銀并着該撫

確審果係虛贓與豁免該部知道

初四日

吏部一本缺官事奉

聖旨周爾登陞應天府丞

又一本為朝廷第一要務事奉

聖旨金世俊素著清節為倪文煥誣陷坐贓私既經  
該部及刑部會覆昭雪贓銀二千准免追仍以  
原官起用該部知道

崇禎皇帝新政

工部都水清吏司郎中陸雲南府知府未任奉

恩詔致仕臣徐肇台據邸報編次

丁卯九月初八日

大學士黃立極等揭帖奉

聖旨覽卿等議來勅諭斟酌恩賚各款不漏不濫深

慰朕宗近法臣民一視之意俱依議行

十三日

吏部一本欽奉

聖旨事河南缺食事推原任御史龐尚廉

四川缺叅政推原任御史馬逢臯

河南缺副使推原任御史沈猶龍未任

陝西缺按察使推御史曾應瑞

陝西缺副使推原任禮科盧時泰

山西缺叅政推戶科陳序

十六日

右副都御史楊所脩一本仰體孝思事奉

聖旨朕初御極政當肅清崔呈秀李養德朱童蒙皆

先帝以斂工邊警諭使奪情料理周應秋秉銓  
清慎大計在通倚毗方殷楊所脩既離言職豈



得輒加輕詆使大臣不安其位本該降處姑免  
究以後有紛囂亂政的定行重處該部知道

廿日

國子監司業朱之俊一本為惡生黷利挾資事奉  
聖旨國學禮法所在豈容惡生借旨橫肆罔利多端  
且原跡欲購民房乃輒用射圃益為欺悖這曹  
代何等互訐事情嚴行提究追贓正罪法司知道  
十月初五日

吏科陳爾翼一本 聖政當日新之會事奉  
聖旨群臣派品經先帝分別澄汰業已清明朕初御

極嘉與士大夫臻平康之理倘有奸人譸張變  
幻暗布機關攪亂新政緝事衙門嚴行緝訪確  
有實據重處不宥亦不許揣摩風影致生枝蔓  
該部知道

初六日

應天巡撫李待問一本為奸商等事奉

聖旨據奏王公弼居官清廉深得民心奸商誣投無  
的據着安心供職輸助銀着該管衙門查收該  
部知道

初七日

吏部一本缺官事奉

聖旨姚士慎陞大理寺左少卿蔣一驄陞右少卿

十一日

吏部一本優處賢能學臣事奉

聖旨冒履吉陞光祿寺少卿

十六日

御史楊維垣一本 朝野望治事奉

聖旨先帝接履積弛澄清流品克副 皇考克舜之

訓朕丕紹大統亦歆中外臣工和輯安靜共臻  
寧一之理屢旨自明奏內諸臣俱經 先帝簡

擢楊維垣如何率意輕詆厥臣致竭力任怨  
任勞功績彰灼豈得輕議念朕臨御之初優容  
言路姑不深責以後着各脩職業勿起紛囂該  
部知道

十七日

延綏巡撫朱童蒙一本秋防已畢事奉

聖旨朱童蒙秋防已竣虜酋乞款忠猷可嘉准回籍  
守制以慰孝思該部知道

十九日

吏部會推 延綏巡撫岳和聲 楊嗣脩

二十日

工部尚書李養德一本奏為微臣候命已久事奉  
聖旨卿忠勤体國克襄陵工方切倚毗乃孝思彌篤  
屢疏求去情詞愈迫朕心惻然准回籍終養以  
遂卿懷該部知道

御史楊維垣一本微臣入告有據事奉

聖旨論事論人言官職掌諸臣進退朕自有獨斷還  
宜靜聽處分該部知道

吏部主事張元芳一本奏為聞言增愧事奉

聖旨張元芳既被人言自有公論何得哢々自鳴該

新政

四

部知道

廿一日

兵部尚書崔呈秀一本奏為聖朝新政宜先事奉  
聖旨卿夙著勤勞正宜効忠樞務屢跡求去情詞懇  
切義難強留准回籍守制以遂其思還着馳驛  
去該部知道

廿三日

工部主事陸澄源一本直陳利弊事

聖旨陸澄源新進小臣如何出位多言且言之不當  
本該重處姑不究以後再有瀆擾的定行重處

廿五日

兵部主事錢元懋一本 聖政維新事奉

聖旨這本說崔呈秀等朕自有獨斷業已有旨了錢元懋小臣如何又來多言姑不究該部知道

廿七日

御史賈繼春一本 聖明御極事奉

聖旨朕宏開言路丕煥新猷正欲成先帝之美這本說崔呈秀事跡多端已有旨了該部知道

吏部一本藩封大典已完事奉

旨這河工應叙諸臣既經分別受覆房杜麗加太

子太師享從心加少保兼太子太師郭尚友李  
精白劉詔各與加太子少傅照舊替撫張鳳翼  
加從二品服俸梁應澤加從三品服俸各照舊  
巡撫朱國盛久勞河上改工部尚書暫擬管添  
註右侍郎事替糧抵濟日准其到任許其還部  
餘官俱依擬行

廿八日

吏部一本微臣六年考滿事奉

主旨方仲淵准陞尚賓司卿

工部尚書吳淳夫一本奏為母年已老事奉



聖旨卿才識敏練陵工方資拮据乃以母老陳情詞  
意懇切着歸養以遂孝思還着馳驛去

御史倪文煥一本奏為親老身病事奉

聖旨倪文煥親老陳詞懇切准回籍侍養以遂孝思  
驗封司郎中周良才一本臣病難支事奉

聖旨周良才以才望留司銓務乃屢疏求去情詞懇  
切准回籍調理

工部主事湯齊一本三殿工完事奉

聖旨天生人才以幹國事分門別戶已非治徵至株  
連疑似殊可憫惜奏內俱着該部確核生平酌

量起用吏部知道

太監魏忠賢一本表病實難事奉

聖旨爾奉事先帝歷練有年殿工邊務多資拮据剔  
奸釐弊夙著勤勞朕所鑒知有旨慰留乃屢疏  
引疾求去情詞懇至義不可強准回私宅調理  
以成恬退之美該衙門知道

又一本世爵成命未收事奉

聖旨爾昔事先帝賚賞優隆今退歸私宅控辭世  
爵具見誠懇准改公為錦衣衛指揮使侯改為  
指揮同知伯改為指揮僉事該部知道

原任大學士沈鯉孫沈試一本比例陳情事奉  
聖旨舊輔沈鯉清忠素著伊孫所請卹叙著照例具  
覆該部知道

刑科楊文岳一本 聖主虛懷事奉

聖旨覽奏以是非定功罪此是肅政體之法崔呈秀  
朕自有獨斷屢旨已明

兵科許可征一本清議既明事奉

聖旨崔呈秀被論回籍已有旨了其弟崔凝秀着該  
部叅看來

廿九日

浙江貢生錢嘉征奏為逆黨罪狀久明事奉

聖旨呂圖南兩駁陸萬齡曹代何及李映日之疏據  
法守正不媿納言朕所鑒知青衿妄詆大臣將  
來成何政體本當重寃且饒一遭該部知道  
又一本請清官府之奸事奉

聖旨魏忠賢事體廷臣自有公論朕心亦有獨斷青  
衿書生不諳規矩本當重寃姑饒一遭該部知道  
通政使呂圖南一本貢生進言事奉

聖旨覽奏兩叙媚跡心事皎然錢嘉征妄詆不足多  
辨即出供職原駁二跡着封進來看陸萬齡曹

代何着法司寃問事映日革去衣巾以正士習  
該部知道

戶科段國璋一本直糾蒙面銓臣事奉

聖旨這本說銓衡大臣宜清正端亮說得是周應秋  
素稱練慎不得以一二事苛求該部知道

尚寶司卿魏撫民一本病勢貼危事奉

聖旨魏撫民既有疾着回籍調理

兵部尚書田吉一本徵臣抱病事奉

聖旨印候新樞臣管理該部知道

錦衣衛楊案一本部臣因言等事奉

聖旨楊寰既引分乞歸准回籍

兵部接出

聖旨司禮監掌印太監王體乾着提督東廠官旂辦事  
事寫勅與他

刑部員外史躬盛一本直發欺君悞國事奉

聖旨魏忠賢已有旨了

十二月初一日

太僕寺卿白太始一本為積勞成病事奉

聖旨白太始居官勤勞請告情切准回籍調理該部  
知道